



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2022**

**KAEDI YA GO TSHWAYA**

**MADUO: 100**

**Kaedi e ya go tshwaya e na le ditsebe di le 16.**

**KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]****ELA TLHOKO:**

- Dirisa ruboriki ka gale fa o tshwaya tlhamo ya boithamedu (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>DITENG LE IPAACANYO</b>  (Tsibogelo le dikakanyo) -Thulaganyo ya dikakanyo tsa ipaakanyo -Temogo ya maitlhomu, baamogedi le bokao  <b>30 MADUO</b>	<b>Maemo a kwa godimo</b>	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		- Tsibogelo ya maemo a a kwa godimo go gaisa a a tlwaelegileng - Dikakanyo tse di botlhale, tse di gwetlhang mogopolo le go supa kgolo - E rulagantswe le go lomagana ka maemo a dinaledi go tsenyeletsa matseno, mmele le bokhutlo, ipaakanyo e e manontlhotlho	- Tsibogelo e e tlhamilweng ka matsetseleko - Dikakanyo tse di maleba tota gape di kgathisa le bosupi jwa kgolo - E rulagantswe bontle thata le go lomagana go tsenyeletsa matseno, mmele le bokhutlo, ipaakanyo e e lolameng	- Tsibogelo e e itumedisang - Dikakanyo di lomagane mo go tlhaloganyegang e bile go kgotsofatsa - E rulagane le go lomagana mo go tlhaloganyegang go tsenyeletsa matseno, mmele le bokhutlo, ipaakanyo e e lekaneng mme e na le diphosonyana	- Tsibogelo e e sa tlhomamang - Dikakanyo tse di sa tlhapang e bile di se na boithamedu - Bosupi jo bonnye jwa thulaganyo le tomagano e e bokoa ya matseno, mmele le bokhutlo, ipaakanyo e e tlhaelang	- Tsibogelo e e seng maleba gotlhelele - Dikakanyo tse di tlhakatlhakaneng, di tlhoka tsepamo, di gasagane le go boelediwa - Ga e a rulagana e bile ga e a lomagana, gotlhelele, ipaakanyo e e seng maleba / e e se yong
	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>	
	- Tsibogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi - Dikakanyo tse di botlhale e bile di supa kgolo - E rulagantswe ka matsetseleko le ka tomagano go tsenyeletsa matseno, mmele le bokhutlo,	-Tsibogelo e e tlhamilweng ka matsetseleko -Dikakanyo tse di maleba gape di kgathisa -E rulagantswe bontle le go lomagana go tsenyeletsa matseno, mmele le bokhutlo,	-Tsibogelo e e itumedisang, mme e latlhegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo,	-Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano,	-Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane,	

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
<b>PUO, SETAELE LE GO TSELEGANYA/RUNA</b>  -Segalo, rejiseta le setaele tse di maleba go maikaelelo/ ditlamorago le bokao -Tlhopho ya mafoko le tlotlofoko -Tiriso ya puo le melawana: matshwao a puiso, thutapuo le mopeleto  <b>15 MADUO</b>	<b>Maemo a kwa godimo</b>  <b>Maemo a kwa tlase</b>	<b>14–15</b> - Segalo, rejiseta le setaele di maleba le maikaelelo, baamogedi le bokao ka maemo a a kwa godimo - Puo e e tlhololo, e e itumedisang ka maemo a a tlhaolegileng le tlotlofoko e e manontlhotlho ya maemo a a kwa godimo - Ga go na diphoso tsa tiriso ya puo le melawana ka gotlhe	<b>11–12</b> - Segalo, rejiseta le setaele di maleba thata le maikaelelo, baamogedi le bokao - Puo e nonofile le tlotlofoko e tihamilwe ka matsetseleko - Bogolo jwa yona ga bo na diphoso tsa tiriso ya puo le melawana	<b>8–9</b> - Segalo, rejiseta le setaele di maleba le maikaelelo, baamogedi le bokao - Tiriso e e maleba ya puo go tihagisa bokao le tlotlofoko e e tlhotlheletsang tihagiso ya diteng - Diphoso tsa tiriso ya puo le melawana ga di kgoreletse bokao.	<b>5–6</b> - Segalo, rejiseta le setaele ga di maleba le maikaelelo, baamogedi le bokao - Tiriso ya puo ke ya maemo a motheo thata le tlotlofoko e lekanyeditswe thata - Diphoso tsa tiriso ya puo le melawana di eta di kgoreletsa bokao.	<b>0–3</b> - Segalo, rejiseta le setaele bomaleba jwa tsona bo kwa tlase le maikaelelo, baamogedi le bokao - Puo ga e tlhaloganyesegile le tlotlofoko e nnye thata, mme e dira gore go nne thata go tlhaloganya - Diphoso tsa tiriso ya puo le melawana di thiba letsatsi.
		<b>12–13</b> - Segalo, rejiseta le setaele di dirisitswe ka manontlhotlho - Puo le tlotlofoko e e matsetseleko ya tlhotlheletso e e nonofileng mo bokaong - Ga e na diphoso tsa tiriso ya puo le melawana ka gotlhe	<b>10</b> - Segalo, rejiseta le setaele tse di siameng di nonofile - Puo le tlotlofoko tse di ngokang e bile di nonofile ka kakaretso - Diphoso tse di mmalwa tsa tiriso ya puo le melawana	<b>7</b> - Segalo, rejiseta le setaele di siame ka kakaretso le tiriso e e lekanyeditsweng ya malepa a tlhotlheletso - Tiriso ya puo le tlotlofoko tse di mo magareng, ka go tlhoka tsepamo - Diphoso tsa tiriso ya puo le melawana di dintsi.	<b>4</b> - Segalo, rejiseta le setaele ga di maleba gotlhelele - Tiriso e e bokoa ya puo le tlotlofoko e e lekanyeditsweng tota - Diphoso tsa tiriso ya puo le melawana di dintsi e bile di kgoreletsa bokao.	
<b>KAGEGO</b>  -Diponagalo tsa setlhangwa -Kago ya ditemana le go tlangwa ga dipolelo  <b>5 MADUO</b>		<b>5</b> - Kago e e manontlhotlho ya tatelano ya dintlhana tse di tlhaolegileng - Dipolelo le ditemana di bopilwe bontlentle	<b>4</b> - Kago e e latelanang ya dintlhana tse di lomaganeng - Dipolelo le ditemana di a latelana, di a farologana	<b>3</b> - Kago ya dintlhana tse di maleba e bile di na le tlhaloganyo - Dipolelo, ditemana tse di bopilweng sentle	<b>2</b> - Go na le dintlha dingwe tse di amogelesegang di santse di na le tlhaloganyo - Dipolelo le ditemana di fosagetse	<b>0–1</b> - Dintlha tse di bothokwa di a tlhaela e bile e tlhoka tlhaloganyo - Dipolelo le ditemana di fosagetse le go ipoeletsa.

**KAROLO YA B: RUBORIKI YA TLHATLHOBO YA SETLHANGWA SA TIRISANO [Maduo a le 25]**

<b>Ditlhokego</b>	<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlaaelang</b>	<b>Ga a fitlhelela</b>
<b>DITENG, THULAGANYO LE SEBOPEGO</b>  -Tsibogelo le dikakanyo -Kokoanyo ya dikakanyo gore go rulagangwe Maitlhommo, baamogedi, diponagalo/melawana le tiriso  <b>MADUO 15</b>	<b>13–15</b>  - Tsibogelo ya maemo a a kwa godimo go gaisa se se lebeleletsweng ka gale le kitso e e tseneletseng ya diponagalo tsa mofuta wa setlhangwa - Diteng le dikakanyo tse di bothale, tse di gamogileng, di lomagane e bile di tshegetsang setlhogo ka thulaganyo e e manontlhotlho - Tlhaloso ya maemo a a kwa godimo e bile dintlha tsotlhe di maleba thata. - Sebopego se se maleba gape se nepagetse	<b>10–12</b>  -Tsibogelo e ntle tota e e bontshang kitso e ntle ya diponagalo tsa mofuta wa setlhangwa - Diteng le dikakanyo di lomagane, dintlha tse di thadisisitsweng sentle gape di tshegetsang setlhogo ka thulaganyo e e lolameng - E tsepame – ga e a fapoga setlhogo -Sebopego se se lolameng ka diphoso tse dinnye	<b>7–9</b>  - Tsibogelo e e lekaneng e e bontshang kitso ya diponagalo tsa mofuta wa setlhangwa - Diteng le dikakanyo di lomagane mo go utlwalang, dintlha dingwe di tshegetsang setlhogo ka thulaganyo e e lekaneng - Go na le tsepamo e e rileng mme kwalo e eta e fapoga mo setlhogong - Sebopego se se maleba ka kakaretso fela go na le go sa nepagale go go rileng	<b>4–6</b>  -Tsibogelo e e kwa tlase e e supang kitso ya diponagalo tsa mofuta wa setlhangwa - Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo ka thulaganyo e e tlaaelang - Ga e a tsepama ka gotlhe, mme kwalo e fapogile setlhogo -Tiriso e e phatlhaletseng ya melawana ya sebopego	<b>0–3</b>  - Tsibogelo e senola go tlhoka kitso ya diponagalo tsa mofuta wa setlhangwa - Ga go na tomagano ya diteng le dikakanyo e bile ke dintlha di le mmalwa fela tse di tshegetsang setlhogo ka thulaganyo e e sa tlhaloganyegeng/e seyo - Bokao jo bo kgoreletsegile ka go fapoga setlhogo go go feteletseng - Ga go a dirisiwa melawana ya sebopego
<b>PUO, SETAELE LE GO TSELEGANYA/RUNA</b>  -Segalo, rejisetara le setaele, maitlhommo, baamogedi le tiriso -Tlhopho ya mafoko le tlotlofoko - Tiriso ya puo le melawana: matshwao a puo, thutapuo le mopeleto  <b>MADUO 10</b>	<b>9–10</b>  -Segalo, rejisetara le setaele tse di maleba thatathata le maitlhommo, baamogedi le tiriso - Tlotlofoko e maleba thata e bile e bontsha kgolo - Tiriso ya puo le melawana e nepagetse, e agegile sentle e bile ga e na diphoso gotlhelele	<b>7–8</b>  - Segalo, rejisetara le setaele tse di maleba thata le maitlhommo, baamogedi le tiriso - Tlotlofoko e e siameng tota - Tiriso ya puo le melawana e nepagetse ka kakaretso e bile e agegile sentle. Bogolo ga go na diphoso	<b>5–6</b>  - Segalo, rejisetara le setaele di maleba le maitlhommo, baamogedi le tiriso - Tlotlofoko e e lekaneng - Go diphoso dingwe tsa tiriso ya puo le melawana fela diphoso ga di kgoreletse bokao	<b>3–4</b>  - Segalo, rejisetara le setaele di fosagetse go le gonnye go maitlhommo, baamogedi le tiriso -Tlotlofoko e e lekanyeditsweng - Tiriso ya puo le melawana e e sa lolamang ka diphoso tse dintsi; bokao bo kgoreletsegile.	<b>0–2</b>  - Segalo, rejisetara le setaele ga di tsamaisane le maitlhommo, baamogedi le tiriso - Tlotlofoko ga e maleba le maitlhommo. - E phephetha ka diphoso tsa tiriso ya puo le melawana, e tlhakathakane gape bokao bo kgoreletsegile tota

**KAROLO YA A: TLHAMO****POTSO 1****1.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Kgang e e botlhokwa e ke kileng ka e tlotlelwa.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.

**Se se lebeleletsweng mo motlhatlhojweng:**

- A kwale ka ga setlhogo se a ithophetseng sona.
- A tlhalose setlhogo.
- A supe boitshimololeli.
- A tlhagise letlha, letsatsi, kgwedi, ngwaga le nako e a neng a tlotlelwa kgang ka yona.
- A tlhagise lebaka le le dirileng gore a tlotlelwe ka ga kgang eo le botlhokwa jwa yona.
- A tlhagise gore o tlotletswe ke mang.
- A tlhalose ka moo a neng a amega maikutlo ka teng ka ga kgang eo.
- A tlhagise tshwetso e a e fitlheletseng morago ga go tlotlelwa.
- A tlhagise maitemogelo a gagwe ka kgang e a e tlotletswe.
- A tlhagise maikutlo a gagwe ka se a se ithutileng go tswa mo go se a se tlotletswe.
- Bokhutlo e nne jo bo solofetswe.

**[50]****1.2 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Sephiri se se mo pelong ya me, se tliisa khutsafalo mo botshelong jwa me.**

**Dintlha tse di latelang di tshwanetse go elwa tlhoko fa go tshwaiwa tlhamo tlhaloso:**

- Ditiragalo di tshwanetse go latelana sentle, mme mmuisi a dumele gore motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go ntsha molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a na le maitemogelo mo setlhogong se.
- Bokhutlo e nne jo bo kgodisang.

**Se se lebeleletsweng mo motlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo.
- A tlhagise sephiri se se mo pelong ya gagwe.
- A tlhagise lebaka/mabaka a a mo tlotlheditseng go nna le sephiri.
- A thadise ka botlalo ka moo se tlisang khutsafalo ka teng mo botshelong jwa gagwe.
- A tlhagise ditlamorago tse di tliwang ke sephiri se.
- Bokhutlo e nne jo bo kgodisang.

[50]

1.3 **Tlhamo ya kanelo**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Ke somogile ka lesoba la mogodu.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

**Se se lebeleletsweng mo motlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo.
- A supe boitshimololeli.
- A tlhagise letlha, letsatsi, kgwedi, ngwaga le nako.
- A tlhagise lebaka le le dirileng gore a iphitlhele a le mo tsietsing eo.
- A tlhalose ka moo a somogileng ka teng mo lesobeng la mogodu.

- A tlhagise motsotso oo gore ke ofe.
- A tlhagise ditiragalo tsotlhe tsa nako eo jaaka di diragetse le ditlamorago tsa tsona.
- A tlhagise maitemogelo le maikutlo a gagwe mo nakong eo.
- A sobokanye dintlha kwa bokhutlong.

[50]

#### 1.4 Tlhamo ya maitlhamo

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka nna le isago e e phatshimang ...**

**Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:**

- Tlhamo ya maitlhamo e tsaya letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

**Se se lebeleletsweng mo motlhatlhojweng:**

- A kwale ka ga setlhogo se a itlhophetseng sona.
- A motlhatlhojwa a phutholole setlhogo.
- A tlhagise gore isago e e phatshimang ke efe?
- A tlhagise gore isago e tlaa ama jang maemo a gagwe a gajaana.
- A tlhagise diphetogo tse a ka di dirang ka isago/mo isagong eo.
- A tlhagise gore o ya go atisa phatshimo ya gagwe jang.
- A tlhagise tshireletso ya isago eo.
- Bokhutlo e nne jo bo sobokanyang maitlhamo e bile bo kgotsofatsa.

[50]

#### 1.5 Tlhamo e e sa tseyeng letlhakore

Mo tlhamong e, motlhatlhojwa o tliša tekatekano mo matlhakoreng otlhe a dingangisano. O leba matlhakore otlhe a setlhogo a bo a tlhagisa dintlha tsa thulano a sa tseye letlhakore.

Motlhatlhojwa a ka tlhagisa ntlhakemo ya gagwe, mme go na le tekatekano ya dintlha tse di emelelang setlhogo le tse di leng kgatthanong le sona e bile di sekasekiwa mo tsamaong ya kwalo ya tlhamo.

Sekao sa setlhogo: **A go siame gore ngwana mongwe le mongwe a newe tšhono ya go itemogela botshelo ka boena?**

**Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.**

Tlhamo e tlhagise matlhakore a le mabedi, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.

- Tlhagisa dikakanyo sentle e bile o di tshegetse.
- Dira gore go dumelanwe le wena gape o se ineele bonolo.
- Puo e tsose maikutlo, mme motlhatlhojwa a se ka a tlhoka maitseo.
- Popego e rulagane ka kelotlhoko le ka tlhomamo e lebeletse kemo ya botlhe.
- Tlhagiso e nne e e duleng diatla go supa tlhaloganyo e e utlwalang.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumelana le se se tlhagisitsweng.
- Tlhamo ya mofuta o, e kwalwe ka pakajaanong.

**Se se lebeletsweng mo motlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo.
- A tlhagise dintlha tse di supang matlhakore a mabedi a ngwana a ka itemogelang ona fa a ka kaelwa le fa a tlogeletswe go itseela ditshwetso.
- A tlhagise matlhakore a mabedi le maikutlo a gagwe ka thulaganyo e.
- A sobokanye dintlha le go supa kemo ya gagwe kwa bokhutlong.
- Bokhutlo e nne jo bo kgodisang.

[50]

**1.6 Tlhamo ya ngangisano**

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlhamo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Badiri ba ba ipelaetsang le go ngala ditiro ba kobiwe mo tirong. Dumela kgotsa o ganetse.**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe, mme a tlhalose se.
- Tlhamo e tlhagise letlhakore le le lengwe, mme dikakanyo di tlhagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

**Se se lebeletsweng mo motlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo le tlhagiso ya ntlhakemo ya gagwe, a e dibe ka bosupi jo bo rileng.



- A tlhagise dikao tsa ditiro tse di supang le go tshegetsang ntlhakemo ya gagwe.
- A tlhagise melemo le ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go tshegetsang ntlhakemo ya gagwe.

[50]

**Ela tlhoko:**

- 1.7 Tshedimosetso e e latelang e dirisiwe go tshwaya potso ya setshwantsho e  
le bong, 1.7 le 1.8, e e ka nnang tlhamo ya kanelo, tlhaloso, maitlhomong kgotsa  
1.8 ngangisano.

**Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditiro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgole le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

**Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhatlhojwa a bontshe fa a tlhaloganya setshwantsho.

**Se se lebeleletsweng mo motlhatlhojweng:**

- Setlhogo se nyalane le setshwantsho se a se ithophetseng.
- A tihalose setlhogo ka botlalo.
- A tthagise ditiragalo tse di amanang le se se tllhagelelang mo setshwantshong.
- Tiriso ya mafoko a a tthagisang pono, modumo le kutlo go tihalosa se se diragalang mo setshwantshong.
- A supe boitshimololeli.
- Thotloetso ya baagi go diragatsa kgotsa go efoga se se tthagisiwang mo setshwantshong.
- Bokhutlo bo supe maikutlo a gagwe.

**Tlhamo ya maitlhamo**

Mo mofuteng o wa tlhamo, motlhatlhojwa o leba kakanyo, a bo a tthagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Setshwantsho**

**Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:**

- Tlhamo ya maitlhamo e tsaya letlhakore.
- Maikutlo a tseye karolo e e botlhokwa.
- Karolo e kgolo mo tllhamong e ka tllhalosa. Dittlhaloso di tshwanetse go bonala, maikaelelo e le go tllhagisa gape maikutlo a motlhatlhojwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

**Se se lebeleletsweng mo motlhatlhojweng:**

- A kwale ka ga setlhogo se a ithophetseng sona.
- A motlhatlhojwa a phutholole setlhogo.
- Tllhagiso ya tse motlhatlhojwa a ka di dirang fa a le mo maemong a tiragalo e e mo setshwantshong.
- Thotloetso go baagi go diragatsa kgotsa go efoga se se tllhagisiwang mo setshwantshong.
- Bokhutlo e nne jo bo sobokanyang maitlhamo e bile bo kgotsofatsa.

**Tlhamo ya ngangisano**

Mo tllhamong e, motlhatlhojwa o tllhagisa kakanyo, ntlhakemo, mme a ngangisa ka maitlhamo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tllhamo e, e tshwanetse go tllhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Setshwantsho**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

Motlhatlhojwa a simolole ka go tthagisa ntlhakemo ya gagwe go bontsha boitshimololeli.

- A neye mefutafuta ya dingangisano go tshegetsa ntlhakemo ya gagwe, mme a tthalose se.
- Tlhamo e tthagise letlhakore le le lengwe, mme dikakanyo di tthagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tthaloganyegang e bile e pateletsa mmuisi go dumelana le tse di tthagisitsweng.
- Tlhamo ya mofuta o e kwalwe ka pakajaanong.

**Se se lebeleletsweng mo motlhatlhojweng:**

- A kwale ka ga setlhogo se a itlhophetseng sona.
- A tthalose setlhogo le tthagiso ya ntlhakemo ya gagwe, a e dibeke ka bosupi jo bo rileng.
- A tthagise mabaka a a ka tswang a tlhodile tiragalo e e mo setshwantshong.
- A tthagise melemo le ditlamorago tsa ntlhakemo ya gagwe.
- A tthagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tthagise tshikinyo ya se se ka diriwang go tshegetsa ntlhakemo ya gagwe.

**[50]**

**PALOGOTLHE YA KAROLO YA A:**

**50**

**KAROLO YA B: DITLHANGWA TSA TIRISANO****POTSO 2****2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng, e ka nna wa lesika kgotsa tsala go tlhaeletsana jaaka go leboga, itsise, kopa, keleletsomasego, jalojalo.

**Dintlha tse di tshwanetseng go elwa tlhoko fa go tshwaiwa lekwalo la botsalano:**

- Lekwalo le, le lekhutshwane le neela dintlhakgolo ka se o buang ka ga sona. Palo ya mafoko e nne 180–200 diteng fela.
- Le supe maikutlo a mokwadi fela le se ka la teba thata.
- Le se ka la nna le diphoso tsa mofuta ofe.
- Le fe tshedimose tso ya se go buiwang ka ga sona.
- Aterese ke ya mokwadi fela.

**Se se lebeletsweng go tswa mo motlhatlhojweng:**

- Aterese e nne nngwe, ya mokwadi.
- Ditumediso di kwalwe.
- A itsise mogoloe ka maikaelelo a gagwe go ya go tswela dithuto tsa gagwe kwa setheong se segolwane mo ngwageng e e tlang.
- A kope maele go tswa mo go kgaitradie ka se a tshwanetseng go se solofela le go se ela tlhoko pele a ka simolola go tsalana le baithuti ba bangwe ka a ise a ba itse.
- Bokhutlo e nne jo bo maleba ka se se solofetsweng.
- Mokwadi a kwale leina la gagwe fela.

**[25]****2.2 IMEILI/LEKWALO LA MARANYANE**

Imeile ke mokgwa wa tlhaeletsano o o dirwang ka khomphutara le selefounu. E romelwa gongwe le gongwe ka nako nngwe le nngwe. E na le aterese ya yona e e tlhaolegileng, e farologane le aterese ya lekwalo.

**Dintlha tse di tshwanetseng go elwa tlhoko fa go tshwaiwa imeili/lekwalo la maranyane:**

Fa o kwala imeile/lekwalo la maranyane tlhokomela dintlha tse di latelang:

- Imeile e arogantswe ka dikarolwana tse pedi. Palo ya mafoko e nne 180-200 diteng fela.
- **Karolo ya A** e akaretsa dintlha tse di latelang:
  - **Go tswa go:** Aterese ya imeili ya moromedi.
  - **Go ya go:** O kwala aterese ya imeile ya motho yo o mo kwalelang.
  - **BA BANGWE:** Tsenya diaterese tsa batho ba o batlang gore molaetsa oo, o ba fitlhelele. Karolo e e dirisediwa gore motho yo o mo romelletseng molaetsa, a itse le go lemoga batho ba bangwe ba ba amogetseng molaetsa oo.
  - **SETLHOGO:** Mo karolong e o kwala kakanyokgolo ya se molaetsa o leng ka ga sona.

- **Karolo ya B** e akaretsa dintlha tse di latelang:
  - Ditumediso.
  - Molaetsa ka botlalo.
  - Kwalela mokwalelwa ditumediso tsa taelo tse dintle tsa tlotlo.
  - Khutlisa ka go kwala leina/ditlhakaina le sefane.
  - Lefelo le o bayang ditlankana tse di gokeletsweng le molaetsa wa gago. Sekao: dipegelo, diforomo, ditaletso jalo le jalo. (go supywa ka letshwao la phini e e gokelelang dipampiri e e tshwaraganyang tšhelete)
- **ROMELA:** Fa o feditse go kwala molaetsa o a o romela.

**Se se lebeleletsweng go tswa mo motlhatlhojweng:**

- Aterese ya imeili ya mokwadi le ya moamogedi/baamogedi.
- Setlhogo sa imeili le ditumediso di kwalwe.
- A tlhagise tumelano ya bona le barutwana ka ga go tlhoka botshepegi ga barutwana bangwe mo phaposing.
- A thadise ka ga go tlhoka botshepegi ga barutwana bangwe.
- A kope tsereganyo mo ntlheng e.
- Bokhutlo e nne jo bo maleba ka se se solofetsweng.
- A tlhagise ditumediso tsa tlotlo tse di laelang mokwalelwa.
- Tlhagiso ya leina/ditlhakaina le sefane.
- Setlhogo sa ditlankana/ditokomane tse di gokeletsweng le molaetsa fa di le gona.

[25]

### 2.3 LENANEOTEMA LE METSOTSO

Lenaneotema ke kitsiso le kgobokanyo ya dintlhakgolo tse go tlleng go buiwa ka ga tsona mo kopanong e e rileng. Le thusa batlapitsong go itse se ba se bileldiwang le gore ba tle pitsong ba ipaakantse ba rulagantse ditshwaelo tsa bona sentle. Metsotso ke phuthololo ya lenaneotema le le neng la romelelwa ditokololo tsa kopano. Metsotso e botlhokwa thata ka gonne e thusa go tshola le go boloka ditshwetso le dintlhakgolo tsa kopano.

**Dintlha tse di tshwanetseng go elwa tlhoko fa go tshwaiwa lenaneotema le metsotso:**

- Kitsiso ya kopano: Kwala dintlha tsa kopano jaaka (leina la setlhopha, lefelo, letlha le nako). Kitsiso ya kopano e kwalwe ka pakatlang.
- **Ela tlhoko:** Lenaneotema le tlhagelela pele ga metsotso.
- Rulaganya o be o kwale dintlha tsa se se tlaa buiwang kwa kopanong.
- Go tlhagisiwe dintlha tse di botlhokwa fela.
- Metsotso e kwalwe ka bokhutshwane. Palo ya mafoko e nne 180-200 diteng fela.
- E nne le ditlhogwana tse di tlhomaganang go ya ka lenaneotema.
- Ditlhagiso, ditumelano le diphetolelo tse di dirwang di tshwanetse go kwalwa jaaka ditshwetso.
- Go kwalwa fela diphithhelelo, dikatlanegiso le ditumelano e seng dingangisano tsa ditokololo.
- Metsotso e kwalwe ka pakapheti.

**Se se lebeleletsweng mo motlhatlhojweng:**

- A tlhagise kitsiso ya kopano e e akaretsang leina la setlhopha, letlha, lefelo, nako e kopano e tlileng go tshwarwa ka yona.
- Thulaganyo ya dintlha tse go tlaa buiwang ka tsona kwa kopanong go ya ka botlhokwa jwa tsona.
- A tseketletse/saene lenaneotema.
- Mo metsotsong, a tlhagise leina la setlhopha, letlha, nako le lefelo le kopano e tshwerweng ka lona.
- A tlhagise leina la setlhopha sa bona sa kgwele ya dinao.
- A tlhagise dintlha tse di tšhotlhiweng kwa kopanong mabapi le dithulaganyo tsa loeto.
- A tlhagise se se solofetsweng go tswa mo moetletsing mongwe le mongwe.
- Tshobokanyo ya se se tshikintsweng le se go dumelanweng ka ga sona.
- A tlhagise letlha la kopano e e latelang.

**[25]****2.4 MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta. Ba buisana ka ga dikakanyo kgotsa setlhogo sengwe se se rileng. Sebopego sa ona ke sa terama fela ona o dirisiwa gongwe le gongwe ke mongwe le mongwe.

**Dintlha tse di tshwanetseng go elwa tlhoko fa go tshwaiwa mmuisano:**

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Dipolelo tsa dibui di nne dikhutshwane.
- Diteng di supe boithamedu, kelelo ya dintlha le go tsamaelana ga ditiragalo. Palo ya mafoko e nne 180-200 diteng fela.
- Maina, maemo a tiro kana maikarabelo a loago a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**Se se lebeleletsweng mo motlhatlhojweng:**

- Ditumediso le ikitsiso di kwalwe fa go tlhokega.
- Mmuisano o tlhagise matshwenyego a go tlhokagala ga ditiro.
- Mmuisano o bontshe tsela e baagi ba ka thusiwang ka yona go fokotsa botlhokatiro.
- Mmuisano o tlhagise ditshikinyo tse di tlaa thusang baagi go tsenela dithuto tse di tlaa ba kgontshang go nna le dikgono tse di maleba.
- Puo e nne e e tlhamaletseng.
- Bokhutlo e nne jo bo lebeleletsweng.

**[25]**

## 2.5 TSA BOTSHELO JWA MOSWI

Tsa botshelo jwa moswi ke tshedimose tso ka botlalo fela e le khutshwane ka ga botshelo jwa yo o tlhokafetseng.

**Dintlha tse di tshwanetseng go elwa tlhoko fa o tshwaya tsa botshelo jwa moswi:**

- Neelana ka tshedimose tso e ntsi ka moo o ka kgonang ka teng fela e nne maleba.
- Tlhagisa tshedimose tso e e tletseng ka dintlha tse di latelang: Maina a moswi ka botlalo, letlha la matsalo, boemo jwa tsalo. Batsadi, boagi, dithutego, tiro.
- Seabe sa gagwe mo setšhabeng (fa go tlhokega), kemo ya nyalo, (fa a nyetswe), sebakwa sa loso.
- Phefofatso e dirisiwe mo go kgonegang.
- Palo ya mafoko e nne 180–200 diteng fela.

**Se se lebeleletsweng mo motlhatlhojweng:**

- Maina a moswi ka botlalo, maemo a gagwe a tsalo mo lapeng le maina a batsadi ba gagwe ka botlalo.
- O tshotswe leng kwa kae?
- Dikolo tse a di tseneng le diphitlhelelo mo thutong.
- Tlhagiso ya tshedimose tso ka tsa tiro (mmimo).
- Tlhagiso ya maemo a nyalo le bana.
- Tlhagiso ya letlha le a tlhokafetseng ka lona le se se bakileng loso.
- Tlhagiso ya dintlha dingwe ka boripana ka maitemogelo a moswi a ba lelapa le ditsala ba ka mo ikgopotsang ka ona.
- Tlhagiso ya ba moswi a ba tlogelang.
- Mafoko a go robatsa moswi ka kagiso.
- Leboko la kgotla ya moswi le ka tsenngwa fa go tlhokega.

**ELA TLHOKO:** Motlhatlhojwa a kwale ka ga moswi e seng motshedi.

[25]

## 2.6 PUO

Puo ke karolo e e botlhokwa ya go fatlhosa. Mo mabakeng a mantsi motho o neelana ka puo mo dikopanong kgotsa meletlong. Puo ya go bua le setšhaba e farologana le ya go bua le setlhotšhwana sa batho.

**Dintlha tse di tshwanetseng go elwa tlhoko fa go tshwaiwa puo:**

- Matseno, mmele le bokhutlo.
- Maikalelo a kopano.
- Mofuta wa kopano e o yang go bua kwa go yona.
- Dintlha di se ka tsa phatlalala.
- Dikakanyo tse di bonolo ka dipolelo tse dikhutshwane.
- Tiriso ya dikao tse di tlwaelegileng.
- Maikutlo a sebui mabapi le se a buang ka ga sona.
- Palo ya mafoko e nne 180–200 diteng fela.
- Tiriso ya puo e senole kgolo, go se nne le ditlhapa le tshotlo.

**Se se lebeletsweng mo motlhatlhojweng:**

- Setlhogo sa puo.
- Ditumediso go bareetsi le ditebogo go balaletsi le ba ba tlileng kopanong.
- Tshimologo e nne maatla, e ngoke theetso. E ka nna motlae kgotsa nopollo.
- Tlhagiso ya bogodu le tshenyo ya dithoto tse di diragalang mo nageng.
- Tlhagiso ya se se ka dirwang go thusa mo ntlheng e.
- Tsiboso ya bareetsi ka ga ditlamorago tsa bogodu le tshenyo.
- Thotloetso go bega ditiragalo tsa bogodu le tshenyo.
- Leboga bareetsi le barulaganyi.

**[25]****PALOGOTLHE YA KAROLO YA B: 50**  
**PALOGOTLHE YA TLHATLHOBO: 100**